

Тазкия дарслари (232-дарс) «Қизларимга ҳар кеча Воқиъа сурасини ўқишни буюрганман»

ТАЗКИЯ
232-ДАРС

Шайх Муҳаммад Содиқ Муҳаммад Юсуф роҳимаҳуллоҳнинг «Тасаввуф ҳақида тасаввур», «Рухий тарбия» 1-2-3-жузи ва «Хислатли ҳикматлар шарҳи» 1-2-3-4-5-жузи китоблари асосида бериб борилади. Мавзуларнинг тўлиқ матни билан танишиш учун китобнинг ўзига мурожаат этиш тавсия этилади.



19:00 / 27.05.2023 1831

Ҳижрий ўттиз иккинчи сана.

Қудратли Ислом давлатининг пойтахти Мадинаи Мунаввара шаҳри.

Ўша пайтдаги Ислом давлати бошлиғи, халифа Усмон ибн Аффон розияллоҳу анҳу шаҳар кўчалари бўйлаб юриб кетмоқдалар.

У киши кечагина одамларнинг қўйини боқиб кун кўрадиган нимжон, пакана ва бечораҳол чўпонча Абдуллоҳ ибн Масъуд розияллоҳу анҳунинг бетоб бўлиб қолганларини эшитиб, ташвишга тушганлар.

نَاْمُتُّعٌ نَّأَىٰ: ةِيْبَظ يِبَا نَع
نُبَا يَلَعَلَّخَدِيْنَا فَعَنُوب
يَدُّلَا هِضْرَمِي فِ دُوْعَسَم
هَلَلَا قَف، هِي فَا ضَبُق

بَلِّاقُ؟ يَكْتُشَتْ أُمُّ نَامُتُعْ
بِهَتُشَتْ أَمَفْ بَلِّاقُ، يَبُونُذُ
وَعْدَا أَلَا بَلِّاقُ، يَبَرَّةْمُحَرِّ بَلِّاقُ
بَلِّاقُ؟ بِي بَطَّلَا كَلْ
أَلَا بَلِّاقُ، يَنْضَرَمُ أَبِي بَطَّلَا
بَلِّاقُ؟ كَلِّئَا طَعَبْ كَلْ رُمُّنْ
يَتَايَحْ يَفْ يَنْعُهُ هَتْسَبَحْ
يَتَوْمَ دَنْعِ وَبِ يَلَّعَاحْ أَلْفْ
نُوكَيْ نَكَلْ نَامُتُعْ هَلْ لَلِّاقُ
يَلَّعْ يَشْخَتَا بَلِّاقُ، كَلَّتْ أَنْبَلْ
وَجْرَالْ يِّنَا؟ عَقْفُلَا يَتَانَبْ
أَدْبَا عَقْفُومُ هَبِي صُتْ أَلْ نَأْ
عَارْقِبْ يَتَانَبْ تُرْمَأْ دَقْ يِّنَا

يُنَافٍ، ۛلِيَلِّسَكَ ۛعَقِ اۛلِ
يَلِّصِ ۛلِلْاۛلِ وُسْرُتُ ۛمَس
نَمُ: ۛلِ وُقَيِّمَ لَسَوِ ۛيَلِّعِ ۛلِلْا
ۛلِيَلِّسَكَ ۛعَقِ اۛلِ ۛرُوسِ اۛرِقِ
اۛدَبِ اۛقِ اۛفِ ۛبِصُتِ مَلِ.

Абу Зобядан ривоят қилинади:

«Абдуллоҳ ибн Масъуд ўлим тўшагида ётганида Усмон ибн Аффон кўргани келди ва унга:

«Нимадан шикоятинг бор?» деди.

«Гуноҳларимдан», деди.

«Нимани хоҳлайсан?» деди.

«Роббимнинг раҳматини», деди.

«Сенга табиб юборайми?» деди.

«Табиб (Аллоҳ) Ўзи касал қилди», деди.

«Атоингни беришни буюрайин», деди.

«Тириклигимда ўзимни тийдим. Ўлимим олдидан унга ҳожатим йўқ!» деди.

«Қизларингга керак бўлар», деди Усмон.

«Менинг қизларимнинг камбағал бўлишларидан кўрқяпсанми?! Мен уларга ҳеч камбағаллик етмаслигидан умидворман. Қизларимга ҳар кеча Воқиъа сурасини ўқишни буюрганман. Чунки Расулуллоҳ алайҳиссаломнинг «Ким Воқиъа сурасини ҳар кеча ўқиса,

камбағаллик кўрмайди», деганларини эшитганман», деди».

Абдуллоҳ ибн Масъуд розияллоҳу анҳу ўлим тўшагида ётганларида ҳам ҳар бир нарсада Аллоҳ таолога суяниш қандай бўлиши борасида дарс ўтдилар.

«Руҳий тарбия» китобининг 2-жузи асосида тайёрланди